

ХАЛЬМГ ҮНН

Советск Союзин Коммунистическ партин Хальмг тангъчин болн Элст балгъсна комитетсин,
куч-кблсчнрин депутатрин Тангъчин болн балгъсна Советсин газет

№ 44 (2877)

1957 дж. июлин 5

Үннь 20 деншг

Эн кергт бääсн көлгн-күчиг сäänär олзлх кергтә!

Орн-нутгт бүүдә орулдж өглгъиг хурддулхмн!

Буудә зөөлгөнд цуг көлгн-күчиг олзлхмн, ток деер буудә икәр хурддж кевтдиг уурулхмн

Агитатор тәрәнә хуралгънд

Мана диилгсн социализмн орн-нутгт агитатор күүнн көдлмш ик чинртә көдлмш болдж тоолгдн. Агитатор улс мана советск олн-әмтн дунд онц күүндтә, ик тоомсрта улс. Онр ик балгъсдудар болв-чигн, онц бääсн нег саланд болв-чигн эн агитатор улст олн-әмтн йир ик дурта, тедниг йир күүндлнә. Терүнә учрнь юмб?—гигад сурхла, хәрүнә амр олхмн.

Мана орн-нутгн 40 джилин ууджиг авад хәләхлә, агитатор улсин көдлмшин чинрнь, тесн ачнь амрхн үзгднә. Улгуринь келхд: урд цагт, олн-әмтнд сонъсглад, медгдәд уга шинәс делгрч Маркс-Ленинә сургъулиг болн орчлнъд экн болдж тбрсн советск йосна үндсиг олн-әмтнд цәәлгъдж өгсн улс Арәсән коммунистр болн тедниг дахгч нүүрт йовгч көдлмшчнр билә. Мана орн-нутгт социализм тогтах алдр ик ноолданд болн орн-нутган газадн, дотадн хорнтас харсх саамд мана агитатормуд түүрүн нүүрт, олн-әмтнә цутхлн дунднә йовдж, Коммунистическ партин, Советск правительствин заавр, сургъмджиг әмтнд тархадж кедүлдж, эс медсндн цәәлгъдж өгч, мана Советск Союзин олн-келн әмтнд чинртә нөкд-дөн ьболдг мөн. Эдн эндр өдр чигн тер метәр көдлдж йовцхана.

Эн келгдсн хамгиг авад санад, уунә тускар ухагъан тунгъахла, агитатор улс эндр өдр кегддәсн көдлмшт ямр кевәр орлхннь, тодрха медгдх зөвтә.

Хальмг тангъчин теегәр тәрәнә хурац кегддж йовна. Колхозмудин чледүд, совхозмудин, МТС-н көдлмшчнр соц-дөрлдә кедж нег-чигн умш буудә гел-уга тәрәгъән цеврәр хурадж авад, орн-нутгтан орулдж өгх зурагъан давулдж, болзгаснь урд күүдәхәр ноолддж йовцхана. Эн ноолданд агитатор улсин бәәх ормнь—колхозин, совхозин ток!

Агитатор кун коммунистическ агитацин кучтә угин чинриг кун болгъна зүркнд кургддж өгх зөвтә Тер большевистск угин идмнь кен-чигн куунә кеджәх көдлмштнә цәәлгъврнь болдж, йовх хаалгъднә герл болдж, медрлиннь өргджүлнә, куцәх кергтнә дамшлт өгнә.

Тәрә хураджах газрмудар көдлгч олн-әмтн дунд цәәлгъврин көдлмш чангъгах—агитатормудин әрки керг. Мана

орн-нутгт бийдән даалгъсн көдлмшиг ик күүлттәгъәр кевәр зүткдж йовх улс йир олн. Тер дотр селәнә эдл-ахун көдләнчр КПСС-н ЦК-н болн Советск Союзин Министрмудин Советин зааврмудар омг авч, өргмдж кедж, эн джилин тәрәг шамддж, цаг үрәл уга хурадж авхар гүдждж бәәцхәнә.

Агитатор күүнә көдлмшин янзнь йир олн зүсн болх зөвтә. Улгуринь келхд: комбайнер болгън кедү гектар газрт тәрә хадхар, кедү центнер буудә цокдж авхар даалгъвр авснь бичәтә бәәх зөвтә, звено болгъна, бригад болгъна чледүд, тер-мет кен-чигн тәрә хуралгънд көдлджәх улст авсн соц-даалгъвринь, өдр болгън кесн көдлмшинь үзүләд бәәлг—тиним үзмджтә агитац кех кергтә. Хамаран эргәд хәләв-чигн авсн даалгъврнь, кех-күүдәх кергннь нүднднә үзгдәд, санадннь сангдад бәәдгәр агитацин көдлмшиг тәвх кергтә.

Агитатор улсин көдлмш сән болад, партин болн правительствин заавриг олн-әмтн сәәнәр медхлә аль-чигн эдл-ахун көдлмшин күүлт шулун, тохнәтә сән болна. Агитатор эврәнн көдлмштән седклән тәвдго, залху, хоома болхла—олна эдл-ахун көдлмшин күүлт чигн самгъа-салннь болна.

Цагтан гардг сән эрсин газеттә, туунәнн өбр цуглрсн олн шамдгъа селькормудта, соцдаалгъврән сәәнәр медг, көдлмшин ашарн туунәнн күүлтнн дару-дарунь шүүдж хәләдг, көдлмшин завсртн газет умшдж өгәд, нүүрт йовгч механизатормудин дамшлт тәнълдулад, теднәс ягъдж үлгүр авхинь цәәлгъдж өгәд, эврә бийс дундан сәәнәр көдлгч, олнд үзмдж болм улсан бас неринь үзүлдж бичәд, ягъдж, ямаран кевәр тер кун наадк улсасн улү—ик көдлмш кесинь әмтнд сонъсхдж медүлдг, тедү мет нань-чигн олн үзмджтә агитац шунмгъа кевәр кедг агитатормудин көдлжәсн газрт—тәрәнә хурацин көдлмш сән йовудта болхн лавта. Большевистск үгиг олн-әмтнд кургддж өгч, мана олн агитатормуд, колхозмудин совхозмудин, МТС-н тәрә хуралгъна көдлмшт чидлән нөлуга нөкд болдж, теднә көдлмшин гүргүднә йовдж, коммунистическ агитацин ивтркә угин кучәр олн-әмтиг агсх зөвтә. Эн төр—теднә гол төр. Агитатор улсин бәәгч ормнь—тәрә хурагч улсин дунд.

Степной машинно-тракторн станцин гардврт ордг Вознесенск сельсоветин „Победа“ гидг колхоз дөч шаху мингън хөбтә, хойр-гурвн мингън бол малта, гурвн мингъ шаху тәрә-темс джил болгън тәрдж хурадж олн-зүсн эдл-ахута колхоз болдж тоолгднә.

Энджл эн колхоз гурвн полеводческ бригадин газрт цөн хонгин зуур, сән цагинь хәләддж, газрин сәәндннь 2393 гектар цагъан гуйрин буудә, 232 гектар ичмә, 100 гектар арвә, 65 гектар горчиц тәрсмн.

Тәрә хуралгъна көдлмшән июнин 29 өдр экләд, гурвн хонгин эргәд 734 гектар хадгдв, тер тоод 665 гектар намра тәрсн цагъан гуйр, 69 гектар ичмән, „Сталинец—6“ маркта 7 комбайнар хаддж хурагдв.

Сарпинск района теегәр

Сарпинск района колхозмудин болн совхозмудин теегәр—тәрә хадлгъна гүргү болдж йовна. Тәрәнә ургъцан геелт угагъар хурадж, государствд буудә өглгънә зурагъан болзгаснь урд күүдәхн төлә совхозин болн МТС-н көдлмшчнр, колхозникуд цуг аргъ-чидлән өгч бәәнә. Тәрә хуралгъна көдлмш бүрднъгъу кевәр Ильичин нертә болн „Путь к коммунизму“ гидг колхозмудар кегдджәнә. Эн колхозмудар намрар тәргдсн 2 мингъ гар гектар тәрән хурагдв. Совхозмуд дундас „Степной“ совхоз районд түүрүн нүр эздж йовна. Эн совхоз районд түүрүн болдж тәрәнә хуралгънд орад, 1300 гектар газрт буудән культур хурадж авб.

Района икнък эдл-ахусар техник ашта сәәнәр олзлгднә. Чапаевин нертә болн „Степной“ совхозмудин, дакад „Путь Ленина“ гидг колхозин теегәр делгәд хаддг лафетн машид өдр-сө уга гишн көдлдж йовна.

—Көдлмшин зурад, тәрә хурадж авлгъиг көдлмшин 15-н өдрин эргәд дуусхар темдлгдлә, —гидж „Степной“ совхозин бригадир ур Зинченко

Уүрмүд Цукерман, Лазарев хойр дөрлддж көдлджәнә

Элст балгъсна „Страна Советов“ гидг колхозин негдгч полеводческ бригад (бригадирнь ур Кийков Ефим Иванович) тәрә хуралгъ экләд, түүрүн хойр өдр, дөрвн комбайнар 224 гектар ичмә хадв.

Хальмг тангъчин теегәр тәрә хуралгъна гүргү цаг болджана. Ургъсн тәрәг геедрлт угагъар, шамддж хурадж авч, цеврәр, күтцәр государствд орулдж өгх төр—колхозникудин, совхозмудин болн МТС-н көдләнчнрин әрки әрүн төрнө болджана.

Эн кергт бääсн көлгн-күчиг сäänär олзлх кергтә!

„Победа“ колхозд тәрә хуралгън

Джил гангъта болдг болв чигн, тәрәнә гарцнь му биш, цагъан гуйрин тәрән нег гектарас дундлад 5,2 центнер, ичмән—4,0 центнер буудә өгчәнә. Июлин 2-т колхозин гурвн ток деер 3781 центнер цеврләд белн кечксн буудә бәәнә, зуг нег мунь, ним ик белн болсн буудәгъас ода күртл нег-чигн центнер государствд орулдж өглгън экләд уга.

—Юнъгад тигджәхмб?—гидж мини сурсн сурврт, колхозин ахлачин дарук ур Немошкалов болн партийн организацин сегләтр ур Казимиров хойр, нег дуугъар: машин-көлгн уга болад, буудә зөдгддж бәәхш, —гидж хәрү өгнә. Дакад эдн, ода күртл ямаран ик гуйр государствд болн натуроплатд өгхән меддж бәәхш.

Тәрә хуралгънд шунмгъа сән көдлмшин үзмдж үзүлдж Степной МТС-н йисдгч тракторн бригадин кобайнермуд уурмүд Блезнюков Василий болн Яковенко Иван көдлджәцхәнә. Одртән эн хойр арвн тавагъад гектар хадхин орчд дөчн тавагъад гектар күүрдж хадад, 175-д центнер буудә цокдж авцхана. Колхозин тәрә хуралгънд нөкд болхар Элстин комсомольск лесничествас болн горпромкомбинатас ирцхәсн багъчуд бас сәәнәр көдлдж йовцхана.

Колхозин правлень, партийн болн комсомольск организаци тәрә хуралгъна болн государствд гуйр орулдж өглгъна зурагъан әрк биш июлин 15 күртл дуусхд цуг колхозникудиг агсдж гүдждж бәәцхәнә.

ЛИДЖИН Н.

теегәр 320 гектар тәрән хадгддж одв.

Садовск МТС-н гардврт ордг колхозмудас „Гигант“ гидг колхоз тәрә-темс тәрлгънә хамгин ик эдл-аху гидж тоолгднә. Энүнә хурадж авх тәрәнә газрин агъунь—14 мингъ гар гектар. Механизатормудта хамдан көдлдж йовх колхозникуд тәрәд ургъасн ургъцан түүрн кевәр хаддж йовна. Дундлад нег өдр болгън 600—700 гектар тәрән хадгднә. Гурвдгч полеводческ бригадин бригадир Василий Павлович Бысторопов нигдж келнә:

—Тәрә хурадж авлгъна көдлмшт йовх цуг колхозникуд, Советск йосна 40 джилин өбнд нердсн социалистическ дөрлдәнд орлцдж бәәнә. Теегин куч-көлсчнр эн ончга сән өбниг производственик диилврмүдәр тосхар зүтгджәцхәнә. Тәрә хадлгъан темдлгсн зурагъасн хойр-гурвн өдр эртәр дуусхар седджәнәвдн.

Тәрә хадлгъан дахулдж буудәгъинь цокад соломинь болн половинь хурадж, скирдс тәвдж йовна. Шуд токмуд деерас шин ургъцин буудә государствд өггднә.

А. ПАВЛОВ.

Хадсн газрас 2006 центнер, цевр сән буудә гарв.

Степной МТС-н комбайнермуд уүрмүд Ким Иванович Цукерман болн Александр Сергеевич Лазарев хойр, көд-

лмштән шунмгъа сән үзмдж үзүлджәнә.

Эн хойр хоорндан социалистическ дөрлдә кегъад, июлин 2-т Цукерман 40 гектар, Лазарев 36 гектар ичмә хаддж хурав.

(МАНА КОРР.)

